

# KERAJAAN DIMINTA TERUSKAN PKP



FOTO: BERNAMA

Panglima Tentera Darat, Jeneral Tan Sri Ahmad Hasbullah Mohd Nawawi (dua dari kanan) ketika melawat Ops Penawar di Jalan Tambun, Ipoh semalam.

KERAJAAN digesa supaya meneruskan Perintah Kawalan Pergerakan (PKP) yang sepatutnya tamat pada 14 April 2020 ke satu tarikh yang diyakini kes penularan Covid-19 telah dapat dibanteras sepenuhnya.

Tambahan pula, sepanjang dua minggu lalu, Malaysia menyaksikan peningkatan jumlah kes jangkitan Covid-19 yang agak tinggi iaitu

sebanyak 2,495 kes, dengan jumlah kumulatif setakat semalam adalah 4,119 kes.

Menyedari keperluan untuk memutuskan rangkaian penularan Covid-19 dapat dilaksanakan kerajaan dengan berkesan, beberapa pemimpin NGO, ahli akademik dan peniaga meminta kerajaan meneruskan PKP demi keselamatan rakyat Malaysia.

5

**“**Saya fikir kerajaan perlu diberi kepercayaan untuk menentukan tempoh waktu bersesuaian bagi menghentikan PKP, namun buat masa kini PKP perlu diteruskan demi keselamatan rakyat Malaysia.” - Kata Pengurus Ikat Komuniti Selamat, Tan Sri Lee Lam Thye



**“**Secara asasnya saya setuju PKP perlu dilanjutkan tetapi dalam masa yang sama kerajaan juga perlu mengambil kira kesan ekonomi yang dihadapi rakyat khususnya bagi penduduk luar bandar yang bebas wabak tersebut.” - Tegas Pakar Mikrobiologi Klinikal Universiti Putra Malaysia, Profesor Dr Zamberi Sekawi



**“**Lanjutan tempoh PKP adalah satu-satunya cara untuk kita pastikan bahawa rakyat Malaysia akan selamat dan kembali hidup aman sejahtera sebagaimana sebelum ini.” - Komen Pensyarah Kanan Program Eko-Teknologi, Fakulti Sains Gunaan, UiTM Shah Alam, Azrena Abdul Karim

